

Radunonza generala dalla Pleiv catolica romana Trun

**Protocol dils 24 d'avrel 2024 allas 20.00 uras
en l'aula en scola Trun**

1. Beinvegni, approvaziun dalla gliesta da tractandas, elecziuns dumbravuschs

Il president fa in cordial beinvegni a tuts presents (total 35). In special beinvegni fa el a nies plevon sur Tomasz.

La gliesta da tractandas ei stada publicada duas gadas el fegl official, l'emprema ga ils 12-04, pia 10 dis avon il termin tenor art. 16 da nossa constituziun. La radunonza ei pia convocada legalmein.

Las tractandas 2 e 6 cun tuttas informaziuns neccessarias ein stadas plazzadas odem las baselgias da Schlans, Trun e Zignau.

Perstgisas: Claudia Bundi, Giusep Defuns, Claudia Küttel, Bruno Pfister, Serafin e Marlis Rensch, Claudio Vincenz

La gliesta da tractandas vegn approvada unanimamein.

Sco dumbravuschs vegn **Annamaria Cavigelli** elegida unanimamein.

2. Protocol dalla radunonza generala dils 10 da matg 2023

Il protocol dalla radunonza generala dils 10 da matg 2023 vegn approbaus unanimamein. Cordial engraziament alla actura Olivia Pfister-Tgetgel.

3. Rapports

a) President

Il president menziunescha in pèr puncts essenzials ord siu rapport 2023. Igl ei legreivel che dapli glieud separticipeschan puspei suenter il temps da Corona als survetschs divins, di da suppa eav. La restauraziun dalla baselgia NdG ei terminada. Era havein nus stuiu prender encunter extradadas (7) dalla baselgia suenter vegnir public malfatgs ed abus enviers affons. Nus savein engraziar a sur Thomas, las catechetas ed il catechet che quei ei plitost pauc en cumparegliaziun cun autras pleivs. Il rapport cumplet ei annexaus a quest protocol.

Cun ina Salidada essan nus seregurdai dils defuncts. Possien els ruassar en pasch.

b) Administratur dils beins

Il rapport cumplet digl administratur dils beins, Benedetg Albin, ei annexaus a quest protocol.

Grond engraziament a Benedetg per sia gronda lavur. El abdichescha siu post sin la radunonza da 2025, fa denton amogna da surdar e luvrar en siu successur. Propostas per ina persuna adattada prendein bugen encunter.

4. Rendaquen per 2023

a) Rapport dil cassier

Il cassier, Alois Tomaschett, presenta il quen dalla pleiv che siara cun entradas da frs. 384'573.18 ed expensas da frs. 380'912.45 che muntan in gudogn da frs. 3'660.73. La facultad dalla pleiv pils 31.12.2023 munta frs. 658'872.48.

Il quen cumplet ei annexaus a quest protocol.

b) Rapport da gestiun

En num dils revisurs conferma Gion Friberg

- ch'ils mussaments d'entradas ed expensas ein avon maun
- ch'ils contos da bilanza e dil quen da menaschi corrispundan allas cudischaziuns
- che la facultad correspunda alla bilanza dils 31-12-2023
- che la contabilitad ei menada a moda exemplarica

c) Approbaziun dil quen e conclus da scarica

Sin fundament dil rapport da revisiun propona il revisur d'approbar il quen digl onn 2023 cun dar scarica alla suprastanza.

La radunonza approbescha unanimamein il quen 2023 e dat scarica alla suprastanza.

5. Rendaquen dallas fundaziuns per 2023

a) Rapport dil plevon e dil cassier

Sur Tomasz dat rapport sur dil quen dallas capluttas e messas fundadas. Il cassier Alois dat rapport dalla facultad dils fondos ecclesiastics.

Il quen cumplet ei annexaus a quest protocol.

b) Rapport da gestiun

Sin fundament dalla revisiun propona il revisur d'approbar il quen dallas fundaziuns digl onn 2023 cun dar scarica alla suprastanza.

La radunonza approbescha unanimamein il quen dallas fundaziuns 2023 e dat scarica alla suprastanza.

Il president engrazia als funcziunaris dallas differentas fundaziuns pigl engaschi e la buna lavur.

6. Preventiv 2025

Il cassier Alois Tomaschett presenta il preventiv per 2025 cun entradas da frs. 348'000.- ed expensas da frs. 355'500.- che preveda ina sperdita da frs. 7'500.-

Il preventiv 2025 ei annexaus al protocol.

La radunonza approbescha unanimamein il preventiv 2025.

7. Fixaziun dil pei da taglia per 2025

La suprastanza propona da schar il pei da taglia sin 15% dalla taglia sempla sco entochen dacheu.

La radonunza decida unanimamein da schar il pei da taglia per 2025 sco tochen dacheu sin 15% dalla taglia sempla dil cantun Grischun.

8. Rapport dalla presidenta dil cussegl pastoral

La presidenta dil cussegl pastoral, Isabelle Defuns-Gamboni, dat in cuort rapport sur dil curriu e passau. Per Sontgilcrest ei vegniu fatg processiu tochen la Casa s. Martin e leu embelliu cun supplicas e cant; commembras dil cussegl han fatg visetas en casas da tgira ordeifer la vischnaunca a parochians da Trun e Schlans; la messa campestra cun gentar dil grill han biabein 80 persunas visitau; biabein 30 pelegriens han fatg in viadi a Madonna del Sasso; las catechetas han creau danovamein in flyer pil program d'affons ordeifer igl urari da scola. Il rapport ei annexaus a quest protocol.

9. Elecziuns

a) Ugau caplutta Sontga Brida

Grond engraziament ad Otto Cagienard per siu engaschi duront 40 onns ch'el ha giu quita dalla caplutta Sontga Brida a Nadels.

Sco ugau dalla caplutta Sontga Brida a Nadels vegn elegius unanimamein Martin Cagienard.

b) Commembers dil cussegl pastoral

Sco commembers dil cussegl pastoral vegnan elegi unanimamein

- Mathias Bundi
- Corina Petschen
- Toni Pfister
- Claudia Küttel

10. Rapport restauraziun dalla Basalgia Nossadunna dalla Glisch

Patrick Rothmund da Spacial Design rapporta cuort sur dallas lavurs dalla restauraziun parziala dalla basalgia NdG cun maletgs dallas lavurs. Treis onns han las lavurs cuzzau naven dalla planisaziun tochen la finiziun. Era muossa el il project ch'ei planisau pil plaz, la via, la scala eav.

Il quen dalla restauraziun muossa cuosts da frs. 688'238.60 per la restauraziun.

Il president Pieder engrazia ad Patrick pil rapport e sia buna lavur ed alla vischnaunca per la sanaziun dil plaz.

Il cassier Alois completescha il quen cun cuosts ch'ei buc ir sur igl architect per administraziun eav sur frs. 29'201.45, tgei che munta in quen final da frs. 717'439.78.

La finanziaziun ei segirada tochen sin frs. 26'338.83 cun sponsurs privats (401), pleivs (42), instituziuns, firmas, fundaziuns, vischnauncas, la basalgia cantunala e la tgira da monuments.

Rilana damonda schebein igl ei era previu ina sanaziun interna? Na, pil mument ei buc basegns.

Igl ei previu ina fiasta dad inauguraziun il di da perdanonza cun persunas envidadas, p.ex. Peter Camenzind, Vicari general, Avat Vigeli ei occupaus, Martin Candinas, cuss. naziunal.

11. Illuminaziun en baselgia parochiala Trun

Alla radunonza generala 2023 ei vegniu concediu in credit da frs. 80'000.- per ina nova illuminaziun interna en baselgia parochiala. Flurin Decurtins ha contactau la firma Erco che ha presentau in project. Fabio Hendry ei staus en baselgia e presentau alla suprastonza sia proposta. Michael Heusi ha presentau in concept da glisch. Planisau la montascha ei la stad 2024. La laupia ed ils sems sur la nav survengan novs reflecturs LED. Ils cuosts ein dapli che supponi aschia che la suprastonza damonda per in credit supplementar da frs. 60'000.-.

La radunonza conceda unanim in credit supplementar da frs. 60'000.- per ina nova illuminaziun interna en baselgia parochiala.

Baseli fa attents che sin gliesta da tractandas ei buc la damonda dad alzar il credit.

La tractanda e la votaziun vegnan acceptadas dalla radunonza.

14. Varia

Blandina: gia tematisau igl onn vargau ei ina revisiun dall'orgla, tgei ponderaziuns ein gia fatgas.

Pieder: in um dil fatg ei staus en baselgia a mirar l'orgla, in'emprema offerta mussava cuosts da frs. 750'000.-, il mument ei quei buc pusseivel. *Rilana* fa attenta sil punct da segirtad cun l'electronica falombra.

Rilana damonda da 'far giu puorla', modificar la pagina da web dalla pleiv

Olivia orientescha che la tscheina comunabla che nus offerin dapi zacontas gadas als funcziunaris, gidonters vegn spustada sin 2025, cunquei che uonn igl onn festiv dalla Ligia Grischa ei dabia occurrenz.

Pieder engrazia a tuts presents ed alla vischnaunca per far diever dalla aula ed al pedel Lotar.

Trun, ils 24 d'avrel 2024

L'actuara: Olivia Pfister-Tgetgel

Visau dil president: Pieder Decurtins